

GOBIERNO DE NAVARRA

ECONOMÍA, HACIENDA, INDUSTRIA Y EMPLEO

CULTURA, TURISMO Y RELACIONES INSTITUCIONALES

PRESIDENCIA, JUSTICIA E INTERIOR

EDUCACION

DESARROLLO RURAL, MEDIO AMBIENTE, Y ADMINISTRACIÓN LOCAL

SALUD

POLÍTICAS SOCIALES

FOMENTO

SEGURIDAD Y EMERGENCIAS

Miloi bat euroko gastua onartu da 2014-2015 ikasturtean Nafarroako Kirol Jokoak antolatzeko

Programak hogeita zortzi urte beteko ditu aurten, eta oinarrizko kirola egiteko hastapenetako bat da. 22.000 ikaslek parte hartzen dute 34 kirol motatan.

Miércoles, 14 de mayo de 2014

Nafarroako Gobernuak, gaurko saioan, milioi bat euroko gastua onartu du 2014-2015 ikasturtean Nafarroako XXVIII. Kirol Jokoak antolatzeko.

Erabaki-proposamenean adierazi denez, Foru Administrazioak kirol sustatu behar du. Horregatik, Nafarroako Kirolaren eta Gazteriaren Institutuak Nafarroako Kirol Jokoak antolatzen ditu ikasleek kirol-jardueretan parte hartzeko aukera izan dezaten. Hala, haien prestakuntzan eta hezkuntzan eragiten da, eta parte-hartzaileen ezaugarrietara egokitutako jarduerak eskaintzen dira kirol-balioak ezartzeko eta sustatzeko.

Programan Nafarroako kirol-erakundeen erregistroan dagoen elkarte bateko kide diren eta Nafarroan bizi diren edo eskolatuta dauden kirolari guztiek parte har dezakete, kimu, kadete eta gazteen kategorietakoek.

Foru Komunitatean oinarrizko kirola egiteko funtsezko oinarrietako bat izateaz gain, programak ondorio ekonomiko handiak ere baditu, gauzatzeak hainbat sektore martxan jartzea baitakar (garraioa, ekipamendua, garaikurrak, mediku-zerbitzuen kontratazioa, prestatzaileak, arbitroak etab.). Jokoen antolaketan jokoetan sartzen diren modalitateen Nafarroako kirol-federazioek ere parte hartzen dute.

2012-13ko ikasturteko edizioan (orain 2013-14 ikasturtekoa egiten ari dira) 34 kirol-motatan aritu ziren 22.512 ikaslek parte hartu zuten.

Zehazki, honako hauek izan ziren modalitateak: urpeko jarduerak, xakea, atletismoa, badmintona, saskibaloia, eskubaloia, beisbola, txirrindularitza, kirol egokituak, neguko kirolak, mendiko kirolak eta eskalada, eskrima, futbola, gimnasia, golfa, herri-kirolak, hipika, judo, karate, igeriketa, padel, patinajea, pilota, piraguismoa, taekwondo, tenisa, mahai-tenisa, arku-tiroa, triatloia, bela eta boleibola.

Programarako onartu diren 1.000.000 eurotik, 637.348,02 euro kirol-jarduerak antolatu eta garatzetik sortutako gastu espezifikoko ordaintzeko dira, eta 362.651,98 euro gastu orokorrak ordaintzeko.